

# Payí Poro Pairimono nání eaṅínarini.

Payí rina Pairimono nání Poro eaṅínarini. Pairimono áamá aṅí yoí Korosi ḡweáyí worini. Amipí wí mimúroḡorini. Xináíniṅí nimóniri wiariḡíáyí wí eni tíḡorini. Oyá xináíniṅí nimóniri omiṅí wiariḡíáyí wo, Onesimasoyi riniḡo re eṅinigini. Íwí niwikárimí éí nuri Romiyo nirémori Poro, e ḡwí ḡweaḡomi niwímeariḡipimi dání ámi diṅí émóḡi Poro payí neari Onesimasomi niwiowáriríná Pairimono yokwarimí niwiiri oumímíniri neari wiowárinigini.

<sup>1</sup> Poroni —Nioni Kiraisi Jisasomi nixídiri yariḡápi nání ḡwí aṅíyo niḡwirárigíonirini. Nioni tñi negí nirixímeá Timotio tñi payí rina neari mónapariḡwii. Pairimonoxi, yegí diṅí sixí riyigwífoxi —Joxi yawawi tñi nawíni Jisasomi nixídiri yariḡwá nání ḡwí móniḡwá woxirini. <sup>2</sup> Joxi tñi negí nirixímeáí Apiaí tñi Akipaso tñi —O none tñi negí nawíni roariḡwá worini. O tñi Jisasoyá siyikí imóniḡíá joxiyá aṅí iwámi awí eánariḡíáyí tñi ayí nání eni aí tñi nání payí rina neari mónapariḡwii. <sup>3</sup> “Negí ápo Gorixó tñi Áminá Jisasi Kiraiso tñi awaú wá seawianiri seyiné pírániṅí niwayiróniro ḡweapíri nání seaiiri éfisixini.” nimónarini.

**“Joxi yariḡípi nání yayí ninarini.” uriṅí nánirini.**

<sup>4-5</sup> Nioni negí Gorixomi xwiýá ririmí niwiri joxi nání rixiṅí niruriyiríná aría re niwiri nání, “O áamá Gorixoyá imóniḡíá niyoni diṅí sipí niwiri arirá wiri Áminá Jisasomi diṅí wikwírori yariḡorini.” Aría e niwiri nání joxi nání rixiṅí niruriyiríná Gorixomi yayí wiariḡárini. <sup>6</sup> Joxi nene tñi nawíni Kiraisomi diṅí wikwíroariḡagwi nání nawíni ikárinḡwápimi dání “ripi re oimónini.” nimónarini, “Amipí naṅí Kiraisomi nuxídiríná epaxí imóniḡwá niḡini nání xixeni niḡíá oimónini.” nimónarini. <sup>7</sup> Gí nirixímeáoxini, joxi áamá Gorixoyá imóniḡíáyo diṅí sipí niwiri neriḡipimi dání diṅí sixí umímoṅí eḡḡi nání nioni yayí ayá wí nininiri diṅí níá ninarini.

**Pairimonomi Onesimaso nání rixiṅí wuriyini nánirini.**

<sup>8-9</sup> Ayináni Poroni —Nioni rixa xweaḡoni neri Kiraisi Jisasomi nuxídiríná yariḡápi nání ḡwí ḡweaḡonirini. Nioni yawawi Kiraiso nání

nawíni gwí mónigwífwawi enjagi náni masisiá bi misí “O e nerínáyí nanj ímóninjípi yarini.” yaiwiarinjápi e érixiniri sekaxí bi riripaxí aiwi dijí sixí yinarigwífwawi enjagi náni awayini rixinjí bi oririmini. <sup>10</sup>Onesimaso —O nioni gwí anj tíyo nijwearíná wáí urfápmi dáni Gorixomi dijí wikwíroarinjí enjagi náni gí íwóninjí emeááorini. “O náni rixinjí bi owuriyimini.” nimónigoí. <sup>11</sup>Xámi “Yíwí ímóninjoríani?” wiaiwiago aiwi agwi joxi tñni nioni tñni niwawini dijí uqwiráripaxí ímóninjorini. <sup>12</sup>Agwi nioni omi joxi tñnjí e náni nurowáriríná gí dijí aí tñni nixeyániríninjí wírenaparinjini. <sup>13-14</sup>Nioni xwiýá yayí neainarinjipi wáí urimearinjáoni enjagi náni gwí anjyo qweanjáná “Onesimaso nioni tñni nijweari joxi náni wayíá arirá onini.” ninimóniri aiwi joxi “Ayí ananirini.” sini miniripa enjánáyí, “E api xe oemini.” minimóniagi náni ámi joxi tñnjí e náni urowárénaparinjini. Joxi “Poro sekaxí nirífpimi dáni oemini.” miyaiwí dixí dijíyo dáni “Xe Poro tñni nijweari arirá owini.” yaiwiría náni omi joxi tñnjí e náni úrowárénaparinjini. <sup>15</sup>Ayí ripi náni rirarinjini. O ámi aninjí joxiyá ímóniná náni bi onimiápi pñni niriwiárimini nibiri qweanjíani? <sup>16</sup>O sini dixí rináfninjí nimóniri ominjí siarinqo af sini axí apini mimóní apimi nimúrori Jisasomi dijí niwikwírori náni gí nirixímeá dijí sixí uyinqáóninjí ímóninjírini. E nimóniri aiwi joxi anjipaxí “Rixa gí nirixímeáóninjí ímóninjí woríani?” wiaiwipaxorini. <sup>17</sup>Ayináni “Poro nioni tñni nawíni gwí mónigwíforíani?” niniaiwirínáyí, Onesimaso símeááná nioni nimíminimíniri enjpa omi eni axípi umíminírixini. <sup>18</sup>E niririri aí o pñni niriwiárimini nuríná sipí nisikárimini unjípírani, amípí íwí rirápijípírani, anani nioni riyipáromíárinini. <sup>19</sup>Poroni niwaninjoni gí wé tñni ríwaminjí ripi “Nioni riyipáromíárinini.” niriri eaarinjini. Ayí joxi eni manj nioniyáyo dáni raríná Jisasomi dijí wikwíróagi náni joxi nioni eni niyipáropaxí ímóninjipi náni miriripa éimiginini. <sup>20</sup>Gí nirixímeáoxini, Áminá Kiraiso tñni nawíni ikárinigwífoxi enjagi náni nioni rixinjí riríápi xixeni nírixini. E nerínáyí, apini mé dijí sixí eni nimímoríárinini.

<sup>21</sup>“Aríá yímigí nininqoi.” nisaiwiri dijí sínjá neánarinjagi náni re ninimóniri payí eaarinjini, “Joxi nioni riríápmi mé api nimúrori ámi seáyi e ímóninjí bi tñni eríárinini.” ninimóniri payí rina eaarinjini. <sup>22</sup>Rixinjí ámi bi ripi oririmini, “Anj awawá nioni wepaxí ímóninjíwá óí nimoárírixini.” oririmini. Ayí ripi náni rirarinjini. Seyíné Gorixomi rixinjí nuriyarigíápmi dáni oyá dijí tñni gwí anjyo dáni niwáraná seyíné tíáminini bíimiginiri dijí nikwímori náni rarinjini.

### Yayí niwiowáriríná urinjipi nánirini.

<sup>23</sup>Epapiraso —O eni Kiraisi Jisasomi uxídarinjí wo enjagi náni nioni tñni nawíni gwí qweagwíforini. O joxi náni yayí siowárénaparini. <sup>24</sup>Mako tñni Arisitakaso tñni Dimaso tñni Ruko tñni —Awa Jisasomi nixídiro yarinjagiá náni gwí nimónigíáwarini. Awa eni yayí siowárénaparinqoi. <sup>25</sup>“Áminá Jisasi Kiraiso aninjí wá niseawiaga úwiniginini.” nimónarinini.